

اتوار 12 اپریل، 2020

مضمون۔ کیہ پاپ، بیماری تے موت اصلی نیس؟

سنہری متن: حقوق 1 باب 12، 13 آیتاں

”اے خداوند! تیریاں اکھیاں اجیہیاں پاک نیس پئی توں بریائی نوں ویکھ نیس سکدا تے کج رفتاری اُتے نظر نیس کر سکدا۔“

جوابی پڑھائی: 103 زبور 2، 3 آیتاں

19 زبور 12، 13 آیتاں

116 زبور 3، 4، 5 آیتاں

2۔ اے میری جان خداوند نوں دھن آکھ تے اوہدی کسے نعمت نوں فراموش نہ کر۔

3۔ اوہ تیری ساری بدکاری بختدا اے۔ اوہ تینوں ساریاں بیماریاں توں شفا دیندا اے۔

12۔ کون اپنی بھل چوک نوں جان سکدا اے؟ توں مینوں پوشیدہ عیباں توں پاک کر۔

13- تُوں اپنے بندے نوں بے باکی دے پاپاں توں وی باز رکھ۔ اوہ میرے اُتے غالب نہ آؤن تے میں کامل ہونواں گا۔ تے وڈھے پاپ توں بچیار ہواں گا۔

3- موت دیاں رسیاں نے مینوں جکڑ لیا تے پاتال دیاں پیڑاں میرے اُتے آپیاں۔ میں دکھ تے غم وچ گرفتار ہونیا۔

4- فیر میں خداوند توں دعا کیتی پئی اے خداوند! میں تیری منت کرداواں میری جان نوں رہائی بخش۔

5- خداوند صادق تے کریم اے۔ ساڈا رب رحیم اے۔

درسی وعظ

بائبل وچوں

1- پیدائش 3 باب 1 توں 13 آیتاں

- 1- سڀ سارے دشتی جانوراں وچوں جنہاں نوں خداوند رپ نے بنایا سی چالاک سی تے اوہنے عورت نوں آکھیا کیہ واقعی رب نے آکھیا اے پئی باغ دے کسے رُکھ دا پھل تسی نہ کھانا؟
- 2- عورت نے سڀ نوں آکھیا پئی باغ دے رُکھاں دا پھل تے اسی کھانے آں۔

3- پر جیہڑا رکھ باغ دے وچکارے اوہدے پھل دے بارے رب نے آکھیا اے پئی تسی نہ تے اوہنوں کھائیو تے نہ ہتھ لائیو نہیں تے مر جاو گے۔

4- فیر سب نے عورت نوں آکھیا پئی تسی بالکل نہیں مرو گے۔

5- بلکہ رب جان دا اے پئی جیہیں دن تسی اوہنوں کھاو گے تہاڈیاں اکھیاں کھل جان گیاں تے تسی رب وانگر نیک تے بد دے جانن والے بن جاو گے۔

6- عورت نے جدوں ویکھیا پئی اوہ رکھ کھان نوں چنگا تے آکھیاں نوں سوہنا لگ دا اے تے سیان بخشن لئی واواہ اے تے اوہدے پھل وچوں لیا تے کھا داتے اپنے بندے نوں وی دتاتے اوہنے وی کھا دا۔

7- فیر دونوں دیاں اکھیاں کھل گیاں تے اوہناں نوں پتہ چلیا پئی اوہ ننگے نیں تے اوہناں نے انجیر دے پتیاں نوں سی کے اپنے لئی لنگیاں بنائیاں۔

8- تے اوہناں نے خداوند رب دی آواز جیہڑا ٹھنڈے ویلے باغ وچ پھر داسی سنی تے آدم تے اوہدی بڈھی نے اپنے آپ نوں خداوند رب دے حضور توں باغ دے رکھاں وچ لکویا۔

9- فیر خداوند رب نے آدم نوں پکاریا تے اوہنے آکھیا پئی توں کتھے آں؟

10- اوہنے آکھیا میں باغ وچ تیری آواز سنی تے میں ڈریا کیوں بے میں ننگا سی تے میں اپنے آپ نوں لکویا۔

11- اوہنے آکھیا تینوں کنھے دسیا پئی توں ننگا ایں؟ کیہ توں اوس رکھ دا پھل کھا دا جیدے بارے میں تہانوں حکم دتاسی پئی اوہنوں نہ کھائیو؟

12- آدم نے آکھیا جیہڑی عورت نوں توں میرے نال کیتا اے اوہنے مینوں اوس رکھ دا پھل دتاتے میں کھا دا۔

13- فیر خداوند رب نے عورت نوں آکھیا پئی توں ایہہ کیہ کیتا؟ عورت نے آکھیا پئی سڀ نے مینوں ورگلا یاتے میں کھادا۔

2- متی 9 باب 35 آیت

35- تے یسوع سارے شہراں تے پنڈاں وچ پھر دار ہیاتے اوہناں دے عبادتخانیاں وچ تعلیم دیندا تے بادشاہی دی خوشخبری دی منادی کردا تے ہر طراں دی بیماری تے ہر طراں دی کمزوری نوں دور کردار ہیاتے۔

3- متی 8 باب 5 توں 10، 13 آیتاں

5- تے جدوں اوہ کفر نخوم وچ وڑھیا تے اک صوبے دار اوہدے کول آیا تے اوہدی منتہ کر کے آکھیا۔

6- اے خداوند میرا خادم فالج داما ریا گھر وچ پیالے تے بوہت تکلیف وچ اے۔

7- اوہنے اوہنوں آکھیا میں آکے اوہنوں شفا دیواں گا۔

8- صوبے دار نے جواب وچ آکھیا اے خداوند میں ایس لائق نیں پئی توں میری چھت بیٹھاں آنویں بلکہ

صرف زبان نال آکھ ای دے تے میرا خادم شفا پا جائے گا۔

9- کیوں جے میں وی دو جیاں دے اختیار وچ آں تے سپاہی میرے بیٹھاں نیں تے جدوں اک نوں آکھدا
واں پئی جاتے اوہ جاندا اے تے دو جے نوں پئی توں آتے اوہ آندا اے تے اپنے نوں نوں پئی ایہہ کرتے اوہ
کردا اے۔

10- یسوع ایہہ سن کے حیران ہونیا تے مگر آؤن والیاں نوں آکھیا میں تہاں نوں سچ آکھدا واں پئی میں اسرائیل
وچ وی اجیہا ایمان نیں ویکھیا۔

13- تے یسوع نے صوبے دار نوں آکھیا جاجیویں توں ایمان رکھیا تیرے لئی اونج ای ہووے۔ تے او سے ویلے
خادم نے شفا پائی۔

4- متی 27 باب 1، 33 (توں پہلا)، 35 (اوہ) (توں پہلا)، 57 توں 60 آیتاں

1- جدوں صبح ہوئی تے سارے سردار کاہناں تے قوم دے بزرگاں نے یسوع دے خلاف مشورہ کیتا پئی
اوہنوں مار دین۔

33- تے اوں تھان تے جیہڑی گلگتادی تھان آکھواندی اے اے اڑکے۔

35- اوہناں نے اوہنوں مصلوب کیتا۔

57- جدوں شام ہوئی تے یوسف نامی ار تیاہ دا اک امیر بندہ جیہڑا آپ وی یسوع دا چیلہ سی۔

58- اوہنے پلاطوس دے کول جا کے یسوع دی لاش منگی۔ ایہدے تے پلاطوس نے دے دین دا حکم دتا۔

59- تے یوسف نے لاش نوں لے کے صاف مہین چادر وچ لو بیٹا۔

60۔ تے اپنی نوں قبر وچ جیہڑی اوہنے چٹان وچ بنوائی سی رکھیا۔ فیر اوہ اک وڈھا پتھر قبر دے منہ اُتے ٹکا کے ٹر گیا۔

5۔ متی 28 باب 1 توں 10 آیتاں

- 1۔ تے سبت دے بعد ہفتے دے پہلے دن پو پھٹن دے ویلے مریم مگد لینی تے دوجی مریم قبر نوں دیکھن آئیاں۔
- 2۔ تے دیکھواک وڈھا پچال آیا کیوں جے خداوند دافرشتہ آسمان توں اتریا تے کول آکے پتھر نوں ہٹا دتا تے اوہدے اُتے بیٹھ گیا۔
- 3۔ اوہدی شکل بجلی وانگر سی تے اوہدے کپڑے برف وانگر چٹے سی۔
- 4۔ تے اوہدے ڈرتوں پہرے دار کنہہ گئے تے مردہ جے ہو گئے۔
- 5۔ فرشتے نے عورتاں نوں آکھیا تے نہ ڈرو کیوں جے میں جان داواں پئی تھی یسوع نوں لہجھیاں او جیہڑا مصلوب ہو یا سی۔
- 6۔ اوہ ایتھے نئیں اے کیوں جے اپنے آکھن دے مطابق اوہ جی اٹھیا اے۔ آؤ ایہہ تھاں دیکھو جتھے خداوند پیا سی۔
- 7۔ تے چھیتی جا کے اوہدے چیلیاں نوں آکھیا پئی اوہ مردیاں وچوں جی اٹھیا اے تے دیکھو اوہ تہاڈے توں پہلاں گلیل نوں جاندا اے۔ اوتھے تھی اوہنوں دیکھو گے۔ دیکھو میں تہانوں آکھ دتا اے۔
- 8۔ تے اوہ ڈرتے وڈھی خوشی دے نال قبر توں روانہ ہو کے اوہدے چیلیاں نوں خبر دین نوں نسیاں۔

9- تے ویکھو یسوع اوہناں نوں ملیا تے اوہناں نے آکھیا سلام! اوہناں نے کول آکے اوہدے پیر پھڑے تے
اوہنوں سجدہ کیتا۔

10- ایہدے تے یسوع نے اوہناں نوں آکھیا ڈرو نہیں۔ جاؤ میرے بھرانواں نوں خبر دیووتاں جو گلیل نوں تڑ
جان۔ اوتھے مینوں ویکھن گے۔

6- مکاشفہ 21 باب 4، 5 آیتاں

4- تے اوہ اوہناں دیاں اکھیاں دے سارے اتھر وپو نچھ دیوے گا ایہدے توں بعد نہ موت رہوے گی نہ وین
رہوے گا۔ نہ چیخ و پکار نہ پیرٹ۔ پہلیاں شیواں جان دیاں رہیاں۔

5- تے جیہڑا تخت اُتے بیٹھیا ہو یا سی اوہنے آکھیا ویکھ میں ساریاں شیواں نوں نو ابنا دیناواں۔ فیر اوہنے آکھیا
لکھ لے کیوں جے ایہہ گلاں سچیاں تے برحق نیں۔

سائنس تے صحت

1- 31-28:475

انسان پاپ، بیماری تے موت دے لائق نیں۔ اصلی انسان پاکیزگی توں وکھرائیں ہو سکداتے نہ ای رب، جیدے توں انسان نشوونما پاؤندا اے، پاپ دے خلاف قوت یا آزادی پیدا کر سکدا اے۔

2- 24:472(سب)-15

ساری اصلیت رب تے اوہدی مخلوق وچ ہم آہنگ تے ابدی اے۔ جو کجھ اوہ بناؤندا اے چنگا اے تے جو کجھ بنیا اے اوہنے ای بنایا اے۔ ایسے لئی پاپ، بیماری تے موت دی کلی سچائی ایہہ اصلیت اے پئی غیر اصلیتاں، غلط عقیدیاں نال، انسان نوں اصلی لگدے نیں، جدوں تیکر رب اوہناں دا پردہ فاش نہ کر دیوے۔ اوہ اصلی نیں کیوں جے رب ولوں نیں۔ کر سچن سائنس وچ اسی سکھدے آں پئی مادی سوچ یا جسم دی ساری خارج از آہنگی نظر دا دھوکہ اے جیہڑیں بھانویں اصلی تے کو جیہی وکھالی دیندی اے پر اوہ نہ اصل تے نہ ای کو جیہی ملکیت رکھدی اے۔

سیان دی سائنس ساری بریائی توں عاری ہندی اے۔ سچائی، رب غلطی دا پیو نیں اے۔ پاپ، بیماری تے موت دی غلطی دے اثراں دے طور تے درجہ بندی کیتی جانی چاہیدی اے۔ مسیح پاپ دے عقیدے نوں برباد کرن لئی آیا۔ الہی اصول ہر تھاں تے موجود تے قادرِ مطلق اے۔ رب ہر تھاں تے موجود اے تے اوہدے توں وکھ کوئی موجود نیں اے یا کوئی طاقت نیں اے۔ مسیح اک مثالی سچائی اے، جیہڑی کر سچن سائنس دے پاروں بیماری تے پاپ توں شفا دین لئی آؤندی اے، تے ساری طاقت رب نوں منسوب کردی اے۔ یسوع مسیح اوس بندے داناں اے جسے بیمار تے پاپی نوں شفا دین نال تے موت دی طاقت نوں برباد کرن نال مسیح نوں دو جے بندیاں نالوں بوہتا پیش کیتا۔

3- 14-28:394

ساہنوں ایہہ یاد رکھنا چاہیدا اے پئی حیاتی رب اے تے ایہہ پئی رب قادرِ مطلق اے۔ کر سچن سائنس نوں نہ سمجھدیاں ہوئے عام طور تے بیمار ایہدے اُتے گھٹ ایمان رکھدے نیں جدوں تیکر پئی اوہ ایہدے چنگے فائدے نوں محسوس نئیں کر لیندے۔ ایہدے توں ظاہر ہندا اے پئی ایمان اجیسے معاملیاں وچ منفی نئیں اے۔ بیمار لوک لاشعوری طور تے تکلیفاں دی مخالفت دی بجائے ایہناں اُتے بحث کر رہے ہندے نیں۔ اوہ ایہدی اصلیت نوں مَن دے نیں، جد کہ اوہناں نوں ایہدے توں انکار کرنا چاہیدا اے۔ اوہناں نوں جھوٹیاں حِساں دی گواہی دے اُلٹ التجا کرنی چاہیدی اے تے انسان دی لافانیت تے رب دی ابدی شکل نوں قائم رکھنا چاہیدا اے۔

اک وڈھے نمونے وانگر، روح نوں بدنی حِساں دیاں جھوٹیاں گواہیاں اُتے حکومت کرن تے بیماری تے فانیت اُتے دعویاں نوں جتاؤن لئی آزاد کر دیاں ہوئے، شفا دین والے نوں بیماری دے نال گل کرنی چاہیدی اے کیوں جے اوہنوں اوہدے اُتے اختیار حاصل اے۔ ایہہ ای اصول بیماری تے پاپ نوں شفا دیندا اے۔ جدوں الہی سائنس نفسانی سوچ دے ایمان اُتے تے ایس ایمان اُتے قابو پالیندی اے پئی رب اُتے یقین پاپ تے مادی شفا تے طریقیاں اُتے یقین نوں برباد کر دیندا اے، تے پاپ، بیماری تے موت غائب ہو جان گے۔

4- 23-20:400

جدوں اسی پریشان سیان نوں مخاطب کر کے بدن اُتے دھیان نہ دیندیاں ہوئے بیماری نوں دور کر دے
آں، تے اسی ایہہ ثابت کر دے آں پئی صرف سوچ ای تکلیف پیدا کر دی اے۔ فانی سیان اوس سارے اُتے
حکمرانی کر دی اے جیہڑا فانی اے۔

5-3:184 -5

سچیائی بیماری، پاپ تے موت نوں ٹھیک کرن لئی کوئی قانون نئیں بناؤندی کیوں جے ایہہ سچیائی توں ناواقف
نئیں تے ایہناں نوں اصلیت دے طور تے نئیں جاننا چاہیدا۔

5-21:533 -6

رب لئی بوہت ناقابل برداشت مادیت حوانوں بناؤن لئی آدم توں لئے گئے گوشت تے ہڈی دے تیز وگاڑ وچ
پہلاں ای پائی جاچگی اے۔ مادی حیاتی تے ذہانت اُتے یقین ہر پیر تے بھیڑا ہندا جارہیا اے، پر غلطی دا اپنا اک
فرضی دن اے تے ایہتوں ایہہ اخیر تیکر ودھدی جاندا اے۔

اودھی غلطی دے بارے جراح کردیاں ہوئے سچیائی نے ساریاں توں پہلا عورت نوں اپنی غلطی تسلیم کر دیا
ں ہوئے پایا۔ وہ آکھدی اے، ”سب نے مینوں ورغلا یا تے میں کھادا،“ جتھے تیکر حلیم شرمندگی دا تعلق اے،
”نہ انسان تے نہ ای رب میری غلطی دا ذمہ دار اے۔“ اوہ پہلاں ای سمجھ گئی سی پئی جسمانی حس سہ سی۔

ایس لئی انسان دی مادی اصلیت اُتے یقین نوں ساریاں توں پہلاں اوہ ای ترک کرن والی تے روحانی تخلیق نوں سمجھن والی سی۔ اوہنے بعد وچ عورت نوں یسوع دی ماں بنن، قبروں، جی اٹھن والے مکتی داتا نوں دیکھن دے قابل بنایا، جیہڑا بوہت جلدی رب دی تخلیق دانا مرن والا انسان بن کے ظاہر ہوون والا سی۔

7- 21-13:45

اوہدی بدن دے کفن دفن توں تن دن بعد اوہنے اپنے چیلیاں نال گل کیتی۔ اوہدے اُتے ظلم کرن والے لافانی سچائی تے محبت نوں قبر دے اندر لکون وچ ناکام ہو گئے سی۔ رب دی تمجید ہووے تے کوشش کرن والے دلاں لئی سلامتی ہووے! مسیح نے انسانی امید تے ایمان دے بوہے توں پتھر ہٹا دتا، تے رب وچ حیاتی دے اظہار دے راہیں اوہنے انسان دے روحانی خیال تے اوہدے الہی اصول، یعنی محبت دے نال ممکنہ کفارے نال اوہناں نوں اُچا کیتا۔

8- 28-20:34

اوہداجی اٹھنا اوہناں داجی اٹھنا وی سی۔ اوہنے اوہناں دی تے دو بے لوکاں دی روحانی بے حس تے بوہت زیادہ امکانات دے خیالاں وچ رب اُتے انھے بھروسے توں جگایا۔ اوہناں نوں ایس ارتکاز دی لوڑ سی کیوں بے بوہت چھیتی اوہناں دمالک حقیقت دے روحانی دائرے وچ دوبارہ جی اٹھن، تے اوہناں دی سوچ توں وی کتے اُچا چکیا جان والا ہووے گا۔ اوہدی وفاداری دے اجر وچ، اوہ مادی حس لئی ایس تبدیلی وچ غائب ہو جاوے گا جنہوں معراج آکھیا جاندا اے۔

9- 32-16:426

جدوں ایہہ سکھ لیا جاندا اے پئی بیماری حیاتی نوں مکھنئیں سکدی تے ایہہ پئی بشر موت دے راہیں پاپ یا بیماری توں بچائے نہیں جاسکدے تے ایہہ سمجھ حیاتی دی تیز وچ نویں شے لے کے آدوے گی۔ ایہدے نال ایہہ موت دی تاہنگ یا قبر دے ڈروچ مہارت لیاوے گاتے ایس طراں ایہہ اوس وڈھے ڈرنوں تباہ کرے گا جیہڑا فانی وجود دے آے دوالے آؤندا اے۔

موت دے یقین تے ایس ڈنگ دے ڈرداضائع ہونا صحت تے اخلاقیات دے معیار نوں اوہدی ہن والی اُچیائی توں کترے اچا کرے گاتے رب، ابدی حیاتی اُتے غیر متزلزل ایمان دے نال ساہنوں مسیحت دے چنڈھے نوں اُچار کھن دے قابل بنائے گا۔ پاپ موت نوں لیا یا تے موت پاپ دے غائب ہوون نال آپ وی غائب ہو جاوے گی۔ انسان لافانی اے تے بدن مرئیں سکدا کیوں جے مادے وچ سپرد ہوون لئی حیاتی موجود نہیں اے۔ انسانی نظریے جنساں وچ مادا، موت، بیماری، عارضہ تے پاپ شمار ہندے نیں سارے برباد ہو سکدے نیں۔

10- 32-29:248

ساڈے اندر بے غرضی، چنگائی، رحم، انصاف، صحت، پاکیزگی، پیار، تے اسمان دی بادشاہی نوں راج کرن دیو و
تے ایہہ پاپ، بیماری تے موت تلف ہوون تیکر گھٹ ہندے جان گے۔

روزانہ دے فرض

میری بیکرا ایڈی دلوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچائی، حیاتی تے
پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار
نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کہاں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کہاں اُتے اثر نہیں کرنے چاہیدے۔
سائنس وچ، بس الہی پیار ای حکومت کردا اے، تے اک مسیجی سائنسدان پاپ نوں رد کردیاں ہوئے، سچی پراہ بندی،
خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں

سارے پاپاں توں، غلط طراں دیاں پیشن گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین
توں آزاد رہن لئی ہر روز خیال رکھنا چاہیدا اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے
رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں
اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔